

二十四史中

北方民族文化史料长编

罗
焱
编

黑龙江教育出版社

(黑)新登字第5号

二十四史中北方民族文化史料长编(一)

罗 森 编

责任编辑:张文达

封面设计:南 恩

黑龙江教育出版社出版发行(哈尔滨市南岗区花园街158号)

哈尔滨电工学院印刷厂印刷

开本 787×1092 毫米 1/32·印张 8.5·字数 200 千

1994年10月第1版·1994年10月第1次印刷

印数:1—500

ISBN 7-5316-2482-6/K·54 定价:5.00元



序

资料工作是学术研究的基础,繁琐、细碎,工作量大,而成果却往往不为人重视。从二十四史中发掘整理有关北方民族文化史料,需要耐心,需要眼力,需要坚定的事业心,才能做到。

二十四史属封建正史,其中虽列北方民族列传,但数量少,而涉及北方民族文化史料则更少,这很需要一番发掘整理的工夫,方可从中有所发现。

这份史料长编是国家社会科学“七五”重点项目《中国古代北方民族文化史》课题的产品之一,凝聚了编者的心血与艰辛,但它是研究之必需,学术之基础,实属功德无量,当会泽及后人。

是为序。

张碧波

1994·10

目 录

序.....	张碧波(1)
《史记》中北方民族文化史料.....	(1)
一、北方族文化史料	(3)
二、匈奴文化史料.....	(22)
三、其他民族文化史料.....	(60)
《汉书》《后汉书》《三国志》中北方民族文化史料	(69)
一、匈奴文化史料.....	(71)
二、西域文化史料	(138)
三、乌桓、鲜卑等各族文化史料.....	(169)
晋隋九《书》二《史》中北方民族文化史料.....	(189)
一、五胡十六国文化史料	(191)
二、东北诸族文化史料	(197)
三、拓跋魏文化史料	(215)
四、西北诸族文化史料	(221)
五、西域文化史料	(234)
六、宗教、文学.....	(251)
后记.....	(260)

《史记》中北方民族文化史料

一、北方民族文化史料

(轩辕黄帝)东至于海，登丸山，及岱宗，西至于空桐，登鸡头。南至于江，登熊湘。北逐荤粥^①，合符釜山，而邑于涿鹿之阿。

注：①《集解》《匈奴传》曰：唐虞以上有山戎、獫狁、荤粥，居于北蛮。

《索隐》：匈奴别名也。唐虞已上曰山戎，亦曰熏粥，夏曰淳维，殷曰鬼方，周曰獫狁，汉曰匈奴。

《史记》卷1 《五帝本纪》

三苗在江淮、荆州数为乱。于是舜归而言于帝，请流共工于幽陵^①，以变北狄；放欢兜于崇山^②，以变南蛮；迁三苗于三危^③，以变西戎；殛鲧于羽山^④，以变东夷；四罪而天下咸服。

注：①《集解》马融曰：北裔也。

《正义》《括地志》云：故冀城在檀州，燕乐县界。故老传云，舜流共工幽州，居此城。

《神异经》云：西北荒有人焉，人面，朱佛，蛇身，人手足，而食五谷禽兽，顽愚，名曰共工。

②《集解》马融曰：南裔也。

《正义》《神异经》云：南方荒中有人焉，人面鸟喙而有翼，两手足扶翼而行，食海中鱼，为人很恶，不畏风雨

禽兽，犯死乃休，名曰欢兜也。

③《集解》马融曰：西裔也。

《正义》《括地志》云：三危山有三峰，故曰三危，俗亦名卑羽山，在沙州敦煌县东南三十里。

《神异经》云：西荒中有人焉，面目手足皆人形，而腋下翼不能飞，为人饕餮，淫逸无理，名曰苗民。

《山海经·大荒北经》：黑水之北，有人有翼，名曰苗民。

④《集解》马融曰：殄，诛也，羽山，东裔也。

《正义》孔安国云：殄、窜、放、流，皆诛也。

《括地志》云：羽山在沂州临沂县界。

《神异经》云：东方有人焉，人形而身多毛，自解水土，知道塞，为人自用，欲为欲息，皆云是鲧也。

《史记》卷1 《五帝本纪》

十二牧行而九州莫敢辟违；唯禹之功为大，披九山，通九泽，决九河，定九州，各以其职来贡，不失厥宜。方五千里；至于荒服。南抚交趾、北发、西戎、析枝、渠搜、氐、羌，北山戎、发、息慎①，东长、鸟夷②，四海③之内咸戴帝舜之功。

注：①《集解》郑玄曰：息慎，或谓之肃慎，东北夷。

②《索隐》：此言帝舜之德皆抚及四方夷人，故先以抚字总之。北发当云“北户”，南方有地名北户。又案《汉书》，北发是北方国名，今以北发为南方之国，误也。此文省略，四夷之名错乱。“西戎”上少一“西”字，“山戎”下少一“北”字，“长”字下少一“夷”

字。长夷也，鸟夷也，其意宜然。今案：《大戴礼》亦云“长夷”，则长是夷号。又云“鲜支、渠搜”，则鲜支当此析枝也。鲜析言相近。邹氏、刘氏云“息并音肃”，非也。且夷狄之名，古书不必皆同，今读如字也。

《正义》注“鸟”或作“岛”。《括地志》云：百济国西南海中有大岛十五所，皆置邑，有人居，属百济。又倭国西南大海中岛居凡百余小国，在京南万三千五百里。案：武后改倭国为日本国。

③《正义》《尔雅》云：九夷八狄七戎六蛮谓之四海。

《史记》卷1 《五帝本纪》

禹行自冀州始。冀州：既载壶口，治梁及岐。既修太原，至于岳阳。覃怀致功，至于衡漳。其土白壤。赋上上错，田中中。常、卫既从，大陆既为。鸟夷皮服^①。夹右碣石，入于海。

①《集解》郑玄曰：鸟夷，东北方之民搏食鸟兽者。孔安国曰：服其皮，明水害除。《正义》《括地志》云：靺鞨国，古肃慎也，在京东北万里以下，东及北各抵大海。其国南有白山，鸟兽草木皆白。其人处山林间，土气极寒，常为穴居，以深为贵，至接九梯。养豕，食肉，衣其皮，冬以猪膏涂身，厚数分，以御风寒。贵臭秽不洁，作厕千中，圉之而居。多勇力，善射。弓长四尺，如弩，矢用楛，长一尺八寸，青石为镞。葬则文木作椁，杀猪积椁上，富者至数百，贫者数十，以为死人之粮。以土上覆之，以绳系于棺，头出土上，以酒灌醑，绳属而止，无四时祭祀也。

《史记》卷2 《夏本纪》

黑水西河惟雍州：弱水既西，泾属渭汭。漆沮既从，沔水所同。荆、岐已旅，终南、敦物至于鸟鼠。原隰底绩，至于都野。三危既度，三苗大序。其土黄壤。田上上，赋中下。贡球、琳、琅玕。浮于积石，至于龙门西河，会于渭汭。织皮昆仑、析支、渠搜，西戎^①即序。

①《集解》孔安国曰：织皮，毛布。此四国在荒服之外，流少之内。羌茅之属皆就次序，美禹之功及戎狄也。

《索隐》郑玄以为衣皮之人居昆仑、析支、渠搜，三山皆在西戎。王肃曰：昆仑在临羌西，析支在河关西，西戎在西域。王肃以为地名，而不言渠搜。今按：《地理志》金城临羌县有昆仑祠，敦煌广至县有昆仑障，朔方有渠搜县。

《史记》卷2 《夏本纪》

殷契，母曰简狄，有娥氏之女^①，为帝喾次妃。^②三人行浴，见玄鸟堕其卵，简狄取吞之，因孕生契。

注①《集解》《淮南子》曰：有娥在不周之北。

《正义》按《记》云：“杰败于有娥之墟”，有娥当在蒲州也。

②《索隐》《淮南子》云：“契生尧代，舜始举之，必非喾子。以其父微，故不著名。其母有娥氏女，与简狄三人浴于

川，玄鸟遗卵，简狄吞之，则简狄非帝喾次妃明也。”

《史记》卷3 《殷本纪》

周后稷，名弃。其母有邠氏，曰姜原。……后稷卒，子不窋立。不窋末年，夏后氏政衰，去稷不务，不窋以失其官而奔戎狄之间。不窋卒，子鞠立。鞠卒，子公刘立。公刘虽在戎狄之间，复修后稷之业。……（古公亶父）乃与私属遂去邠，度漆、沮，逾梁山，止于岐下。邠人举国扶老携弱，尽复归古公于岐下。……子是古公乃贬戎狄之俗，而营筑城郭室屋，而邑别居之。

《史记》卷4 《周本纪》

成王既伐东夷，息慎来贺，王赐荣伯作《贿息慎之命》。
……

穆王将征犬戎，祭公谋父谏曰：“不可。……今自大毕、伯士之终也，犬戎氏以其职来王，天子曰‘予必以不享征之，且观之兵’，无乃废先王之训，而王几顿乎？吾闻犬戎树敦，率旧德而守终纯固，其有以御我矣。”王遂征之，得四白狼四白鹿以归^①。自是荒服者不至。

注①《正义》贾逵曰：“大毕、伯士，犬戎氏之二君也。白狼，白鹿，犬戎之职贡也。”按：大毕、伯士终后，犬戎氏常以其职来王。又按：白狼、白鹿当是西周周边之戎狄民族，以白狼，白鹿为其民族图腾者。

《史记》卷4 《周本纪》

(周)宣王不修籍于千亩，文公谏曰不可，王弗听。三十九年(—732)，战于千备^①，王师败绩于姜氏之戎^②。

注①《正义》《括地志》：千亩原在晋州岳阳县北九十里也。

又《索隐》：地名也，在西河介休县。

②《集解》韦昭曰：西夷别种，四岳之后也。

《史记》卷4 《周本纪》

(周)幽王以虢石父为卿，用事，国人皆怨。石父为人佞巧，善谀好利，王用之。又废申后，去太子也。申侯怒，与缯、西夷犬戎攻幽王。幽王举烽火征兵，兵莫至。遂杀幽王骊山下，虢褒姒，尽取周赂而去。于是诸侯乃即申侯而共立故幽王太子宜臼，是为平王，以奉周祀。

平王立，东迁于雒邑，辟戎寇。

《史记》卷4 《周本纪》

(周惠王)二十五年(—652)，惠王崩，子襄王郑立。襄王母早死，后母曰惠后。惠后生叔带，有宠于惠王，襄王畏之。三年(—649)，叔带与戎、翟谋伐襄王，襄王欲诛叔带，叔带奔齐。齐桓公使管仲平戎于周，使隰朋平戎于晋。王以上卿礼管仲。……

十三年(—639)，郑伐滑，王使游孙、伯服请滑，郑人囚之。郑文公怨惠王之入不与厉公爵，又怨襄王之与卫滑，故囚伯服。王怒，将以翟伐郑。……十五年(—637)，王降翟师以伐郑。

王德翟人，将以其女为后。富辰谏曰：“平、桓、庄、惠皆受郑劳，王弃亲亲翟，不可从。”王不听。十六年（—636），王绌翟后，翟人来诛，杀谭伯。……

初，惠后欲立王子带，故以党开翟人，翟人遂入周。襄王出奔郑，郑居王于汜。子带立为王，取襄王绌翟后与居温。十七年（—635），襄王告急于晋，晋文公纳王而诛叔带。

定王元年（—606），楚庄王伐陆渾之戎^①，次洛，使人问九鼎。

注：①杜预云：允姓之戎居陆渾，在秦、晋西北，二国诱而徙之伊川，遂从戎号，今洛州陆浑县，取其号也。

《后汉书》云：陆渾戎自瓜州迁于伊川。

《史记》卷4 《周本纪》

大费生子二人：一曰大廉，实鸟俗氏；二曰若木，实费氏。其玄孙曰费昌，子孙或在中国，或在夷狄。

其玄孙曰中玉，在西戎，保西垂。……造父以善御幸于周穆王，得骥、温骊、骅骝、绿耳之驹，西巡守，乐而忘归。徐偃王作乱，造父为穆王御，长驱归周，一日千里以救乱。穆王以赵城封造父，造父族由此为赵氏。

非子居犬丘，好马及畜，善养息之。犬丘人言之周孝王，孝王召使主马于汧渭之间，马大蕃息。孝王欲以为大骆适嗣。申侯之女为大骆妻，生子成为适。申侯乃言孝王曰：“昔我先郇山

之女，为戎胥轩妻，生中玉，以亲故归周，保西垂，西垂以其故和睦。今我复与大骆妻，生适子成。申骆重婚，西戎皆服，所以为王。王其图之。”于是孝王曰：“昔伯翳为舜主畜，畜多息，故有土，赐姓嬴。今其后世亦为朕息马，朕其分土为附庸。邑之秦，使复续嬴氏祀，号曰秦嬴，亦不废申侯之女子为骆适者，以和西戎。

秦仲立三年，周厉王无道，诸侯或叛之。西戎反王室，灭犬丘大骆之族。周宣王即位，乃以秦仲为大夫，诛西戎。西戎杀秦仲。秦仲立二十三年，死于戎。有子五人，其长者曰庄公。周宣王乃召庄公昆弟五人，与兵七千人，使伐西戎，破之。于是复予秦仲后，及其先大骆地犬丘并有之，为西垂大夫。

庄公居其故西犬丘，生子三人，其长男世父。世父曰：“戎杀我大父仲，我非杀戎王则不敢入邑。”遂将击戎，让其弟襄公。……襄公二年（-776），戎围犬丘，世父击之，为戎人所虏。……西戎犬戎与申侯伐周，杀幽王郿山下。……周避犬戎难，东徙雒邑，襄公以兵送周平王。平王封襄公为诸侯，赐之岐以西之地。曰：“戎无道，侵夺我岐、丰之地，秦能攻逐戎，即有其地。”与誓，封爵之。襄公于是始国，与诸侯通使聘享之礼，乃用骕骦，黄牛、牝羊各三，祠上帝西畴。

（秦文公）十六年（-750），文公以兵伐戎，戎败走。于是文公遂收周余民有之，地至岐，岐以东献之周。

宁公二年（-714），公徙居平阳。遣兵伐荡社。三年，与亳战，亳王^④奔戎，遂灭荡社。

注：①《索隐》：西戎之君号曰亳王，盖成汤之胤。其邑曰荡社。徐广云一作汤社，古汤邑在杜县之界，故曰汤社也。

缪公任好元年（—659），自将伐茅津^①，胜之。

注：①《正义》刘伯庄曰：戎号也。《括地志》云：茅津及茅城在陕州河北县西二十里。《注水经》云茅亭，茅戎号。

《史记》卷5 《秦本纪》

戎王使由余于秦，由余其先晋人也，亡人戎，能晋言。闻缪公贤，故使由余观秦。秦缪公示以宫室、积聚。由余曰：“使鬼为之，则劳神矣。使人为之，亦苦民矣。”缪公怪之，问曰：“中国以诗业礼乐法度为政，然尚时乱，今戎夷无此，何以为治，不亦难乎？”由余笑曰：“此乃中国所以乱也。夫自上圣黄帝作为礼乐法度，身以先之，仅以小治。及其后世，日以骄淫。阻法度之威，以责督于下，下罢极则以仁义怨望于上，上下交争怨而相篡弑，至于灭宗，皆以此类也。无戎夷不然。上含淳德以遇其下，下怀忠信以事其上，一国之政犹一身之治，不知所以治，此真圣人之治也。”于是缪公退而问内史廖曰：“孤闻邻国有圣人，敌国之忧也。今由余贤，寡人之害，将奈之何？”内史廖曰：“戎王处辟匿，未闻中国之声。君试遗其女乐，以夺其志，为由余请，以疏其间，留而莫遣，以失其期，戎王怪之，必疑由余。君臣有间，乃可虏也。且戎王好乐，必怠于政。”缪公曰：“善。”因与由余曲席而坐，传器而食，问其地形与其兵势尽察，而后令

内史廖以女乐二八遗戎王。戎王爱而悦之，终年不还，于是秦乃归由余，由余数谏不听，缪公又数使人间要由余，由余遂去降秦。缪公以客礼礼之，问伐戎之形。

三十七年（-623），秦用由余谋伐戎王，益国十二，开地千里，遂霸西戎。

《史记》卷5 《秦本纪》

（厉共公）三十三年（-444），伐义渠^①，虜其王。

注：①《集解》应劭曰：义渠，北地也。

《正义》《括地志》云：宁、庆二州，春秋及战国时为义渠戎国之地，周先公刘、不窋居之，古西戎也。

（躁公）十三年（-430），义渠来伐，至渭南。

孝公元年（-361），……秦僻在雍州，不与中国诸侯之会盟，夷翟遇之。……于是乃出兵东围陕城，西斩戎之桓王^①。

注：①《集解》《地理志》天水有桓道县。

（惠文君）十一年（-327），县义渠。归魏焦、曲沃。义渠君为臣。更名少梁曰夏阳。

（秦惠文王后元）七年（-318），韩、赵、魏、燕、齐帅匈奴共攻秦。秦使庶长疾与战修鱼，……

武王元年（-310），伐义渠、丹、犁。

《史记》卷5 《秦本纪》

(晋献公)五年(一672),伐骊戎^①,得骊姬、骊姬弟,俱爱辛之。

十二年(一665),骊姬生奚齐。献公有意废太子,乃曰:“曲沃吾先祖宗庙所在,而蒲边秦,屈边翟,不使诸子居之,我惧焉。”于是使太子申生居曲沃,公子重耳居蒲,公子夷吾居屈。献公与骊姬子奚齐居降。晋国以此知太子不立也。太子申生,其母齐桓公女也,曰齐姜,早死。申生同母女弟为秦穆公夫人。重耳母,翟之狐氏女也。夷吾母,重耳母女弟也。献公子八人,而太子申生、重耳、夷吾皆有贤行。及得骊姬,乃远此三子。

十七年(一660),晋侯使太子申生伐东山^②,……二十一年,……十二月戊申,申生自杀于新城。……二子闻之,恐,重耳走蒲,夷吾走屈,保其城,自备守。

二十三年,献公遂发贾华等伐屈,屈溃。夷吾将奔翟。冀芮曰:“不可,重耳已在矣,今往,晋必移兵代翟,翟畏晋,祸且及。不如走梁,梁近于秦,秦强,吾君百岁后可以求入焉。”遂奔梁。二十五年,晋代翟,翟以重耳故,亦击晋于采桑,晋兵解而去。

当此时,晋强,西有河西,与秦接境,北边翟,东至河内。

初,献公将伐骊戎,卜曰:“齿牙为祸”,及破骊戎,获骊姬,爱之,竟以乱晋。

里克等已杀奚齐、悼子,使人迎公子重耳于翟,欲立之。

晋文公重耳,晋献公之子也。……献公十三年,以骊姬故,重耳备蒲城守秦。……献公二十二年,献公使宦者履鞮趣杀重耳。……重耳遂奔狄。狄,其母国也。是时,重耳年四十三。
……